

UNTUK SIARAN SEGERA

25 Belon Udara Panas Bakal Menghiasi Langit Putrajaya Mac 2020!

Pesta Belon Udara Panas Antarabangsa Putrajaya yang ke-11 akan kembali berlangsung selama 4 hari yang turut menampilkan penglibatan Boost, Ripple Media dan Cyberview Resort & Hotel.

Putrajaya, 21 Februari 2020: Pesta Belon Udara Panas Antarabangsa Putrajaya kembali untuk tahun ke-11 dan akan berlangsung dari 19 sehingga 22 Mac 2020 di Monumen Alaf Baru, Putrajaya. Sebanyak 25 belon udara panas dari serata dunia akan diterbangkan sebagai acara utama kepada sambutan ulangtahun Putrajaya yang ke-25.

Antara belon udara panas bentuk istimewa yang akan diterbangkan pada tahun ini adalah:

1. Minion dari United Kingdom
2. Little Pirate dari Amerika Syarikat
3. Bighug dari Brazil
4. My Deerling dari Kanada
5. Blue Rooster dari Perancis
6. Light House dari Amerika Syarikat
7. Owlbert dari Amerika Syarikat

Pesta tahun ini akan menghimpunkan juruterbang belon udara panas antarabangsa dari 13 buah negara termasuk Malaysia, Sepanyol, Jepun, Belgium, Thailand, Korea Selatan, Itali dan wilayah Taiwan.

Selari dengan sambutan Jubli Perak Putrajaya yang menandakan 25 tahun sejak pembukaannya, Datuk Dr Aminuddin Hashim selaku Presiden Perbadanan Putrajaya mengungkapkan kegembiraan beliau dengan menyatakan bahawa “Kali ini merupakan tahun kedua penglibatan saya dengan acara ini, dan saya sentiasa kagum melihat keindahan belon udara panas terbang bebas berlatarbelakangkan landskap dan seni bina di Putrajaya. Saya teruja untuk mengembalikan kegemilangan acara ini untuk tahun ke-11 di Putrajaya”

Antara tarikan utama yang dilangsungkan adalah pertunjukan penerbangan bebas belon udara panas dari jam 7.00 pagi sehingga 8.00 pagi setiap hari. Acara malam yang memberi pengalaman berbeza pula diiringi dengan “Night Glow Show” dan pertunjukkan bunga api, di mana belon udara panas akan dinyalakan mengikut rentak muzik yang akan berlangsung pada hari Sabtu dan Ahad, bermula pada jam 8.45 malam sehingga 9.30 malam.

Acara ini adalah percuma. Namun bagi yang ingin mendekati belon udara panas, pengunjung digalakkan untuk mendapatkan tiket berbayar ke kawasan “Launching Field Access” dan “Night Glow Show”. Selain itu, terdapat tiket Belon Udara Panas bertambat di mana pengunjung dapat menaiki belon udara panas di pesta. Pembelian tiket boleh di buat secara online di laman web <https://www.myballoonfiesta.com/thetickets>.

Para penaja yang turut sama memeriahkan anjuran pesta pada tahun ini adalah:

1. Boost (Rakan E-Wallet Rasmi)
2. Cyberview Resort & Hotel (Hotel Rasmi)

3. Doof The World Sdn Bhd (Rakan Eksklusif)
4. Rakita (Media Rasmi)
5. Ripple (Media Rasmi)
6. Love Food Festival (Penganjur Bersama)
7. Knowhere Bangsar (Penganjur Bersama)
8. Women:Girls (Penganjur Bersama)
9. Express Rail Link Sdn Bhd (Penganjur Bersama)

Sebagai sokongan terhadap Rakan E-Wallet rasmi, terdapat sebanyak 50 gerai makanan yang menggunakan aplikasi Boost secara eksklusif. Dengan ini, pengunjung dapat menikmati pulangan tunai dan diskaun menarik apabila menggunakan aplikasi tersebut.

Untuk pengalaman yang lebih mengujakan, pengunjung berpeluang untuk terbang bebas menaiki belon udara panas di sekitar Putrajaya yang disediakan khas oleh MyBallon Adventure. Tiket boleh ditempah sebelum acara di pautan ini www.myballoonadventure.com/exclusive-putrajayaballoonfiesta2020-package/.

Sehubungan dengan penyebaran wabak Covid-19 (Novel Coronavirus), kami selaku pihak penganjur berkerja keras memantau dan mengikuti perkembangan isu ini dengan membuat persediaan rapi bagi memastikan tahap kebersihan terkawal sepanjang acara berlangsung. Antara langkah-langkah pihak kami, adalah untuk menyediakan alat pembersih tangan di beberapa lokasi terpilih dalam kawasan pesta untuk kegunaan pengunjung. Kami juga ingin menyarankan pengunjung untuk mengambil langkah kesihatan dan kebersihan secara berterusan.

Penganjuran Pesta Belon Udara Panas Antarabangsa Putrajaya diharap dapat menyumbang kepada usaha Kementerian Pelancongan Malaysia bagi meningkatkan taraf dan kualiti pelancongan domestik sempena Tahun Melawat Malaysia 2020. Kami berharap agar pesta ini dapat dijayakan dengan cemerlang untuk memberikan pengalaman bermakna kepada semua rakyat Malaysia.

Butiran Acara:

Tarikh : 19 – 22 March 2020
Masa : 7 pagi – 9 malam
Lokasi : Monumen Alaf Baru, Putrajaya
Kemasukan : Percuma

Untuk maklumat lanjut mengenai Pesta Belon Udara Panas Antarabangsa Putrajaya 2020, sila layari laman web www.myballoonfiesta.com atau kunjungi portal media sosial rasmi, **Putrajaya International Hot Air Balloon Fiesta (Facebook)** dan **@myballoonfiesta / #myballoonfiesta (Instagram)**.

Pesta Belon Udara Panas Antarabangsa Putrajaya ini adalah anjuran AKA Balloon Sdn Bhd dengan kerjasama Perbadanan Putrajaya.

Sebarang pertanyaan media, sila hubungi:
Hafizah Khairuddin
eza.akaballoon@gmail.com

012- 923 2349